

Г 6 2
26135

Соро
поля

КОМИ КНИЖНОЙ ИЗДАТЕЛЬСТВО

1958



И. Куратов
В. Савин
В. Чисталев
М. Лебедев
А. Размыслов
В. Елькин
В. Латкин
А. Габов
И. Вавилин
А. Ванеев
В. Власов
Д. Конюхов
В. Кривошеин
В. Лыткин
С. Морозов
Б. Палкин
В. Попов
С. Попов
Я. Рочев
С. Тимушев
Г. Торлопов
Н. Фролов
В. Ширяев
Ф. Щербанов
В. Юхнин
Г. Юшков

Горо пöлян

26135

БИБЛИОТЕКА
Респ. Краев. Музея
Коми АССР
город Сыктывкар.

КОМИ КНИЖНОЙ ИЗДАТЕЛЬСТВО

Сыктывкар 1958

Сборниксö лöсьöдiс
Г. И. Торлопов.

Редакционнöй коллегия:
И. Вавилин, А. Вежев, С. Попов, Г. Торлопов,
Г. Фёдоров.

Оформление В. В. Полякова.

Отв. за выпуск С. Морозов.

Сдано в набор 15/VIII-58 г. Подп. к печати 9/IX-58 г.

70×92¹/₃₂. Бум. л. 1,25. Печ. л. 2,925. (Уч.-изд. л. 2,68).

Ц01391. Тираж 3000: Заказ № 2532.

Цена 1 руб. 95 коп. Коми книжное издательство. Дом печати.

г. Сыктывкар, Республиканская типография Полиграфиздата
Министерства культуры Коми АССР.

«ГӨРД ПӨЛЯН» — татшөм ним улын петліс первой коми книгаяс пиысь өти, кытчö вöлі печатайтöма медводдза коми поэтъяслысь кывбуръяс да сьыланкывъяс. Тайö нимсö абу прöстö босьтöма и миян сборниклы. Сэні печатайтöма коми поэтъяслысь кывбуръяс революция да партия йылысь, Рöдина да народ йылысь, ас чужан му йылысь, народъяс костын дружба да став мирын мир вöсна тыш йылысь.

«Гөрд пöлян» абу антология, а нейджыд поэтической сборник, кытчö быд поэтлөн пырис сöмын өти стихотворение. Антологияын жö петкöдлöны быд поэтлысь творчествосö паськыджыка, быд боксянджык, а татчö пырис сöмын гражданскöй лирика. Ми кöсьям, мед тайö сборникыс да мукöд тематической сборникъяс лöоны коми поэзиялысь антология дасьтöм вылö материалөн.

Кутшöм могыс «Гөрд пöлянлөн»? Кольöм во тырис сё во сійö кадсяныс, кор коми литературалы подув пуктысь Иван Алексеевич Куратов гижис ассьыс медводдза кывбуръяс, а таво лöо коми народлөн культурнöй олöмын вöвлытöм ыджыд событие — коми писателяслөн первой съезд. «Гөрд пöлян» сувтöдö ас водзас мог —

тöдмöдны коми пöзтьяслöн творчествоын пат-
риотическöй визьöн, сетны лыддысьысьлы
книга, кöни представитöма пöшти став пöзть-
яссö — первой коми пöзт И. А. Куратовсянь
заводитöмöн да медся том коми пöзтьясöн по-
малöмöн.

И мед тайö книгаыс лоö коми писательяс-
лöн первой республиканскöй съезд кежлö пöз-
зия радейтысьяслы пöдаркиöн.

ПЕМЫД

Миян му вылын съод вой
Сувтөм, ме ог төд нин корсянь;
Войын йөзыс съод жө, тась
Весьшөрө тай йөзөс корсян...

Он, он аддзы! Мукөдыс
Эськөн еджыд паськөмаөсь;
Да и сәні наяөс
Борда шыръяс вевттьөмаөсь!

Еджыд вылө лөк вампир
Горша сатшкысьө... И төда,
Кыа петтөдз татөні,
Татшөм пемыдын ме пөда...

Мортлы дзескыд пемыдын...
Шонді петмысьт, быдсө таті
Паськөдас тай... тіянлы!
Лолыштанныд кокныда ті!

Петас, вокьяс, шонді-й тан!
Ме нин аддза — рөммө ылын...
И еневтса лысваыс
Югйыштас сэк шонді вылын!

1865

Виктор Савин
(*Нёбдинса Виттор*)

КОМИ МОРЕ

Эг ме аддзыв некор море,
Ог төд сылысь сьылангор.
Зэв пö паськыд синьöй море,
Абу некön пом ни дор.
Эг ме аддзыв некор море,
Зэв пö паськыд — пом ни дор.

Меным төдса коми море —
Помтöм-дортöм паськыд вөр.
Қыпыд гажөн уджö корö,
Сійö — олангажлөн шөр.
Қыпыд горөн уджö корö
Помтöм-дортöм паськыд вөр.

Зэв пö гажа гыа море,
Зэв пö мича, кодыр лөнъ,
Век пö гажа сылөн морöс,
Оз и ланьтлы некор скөнъ.
Век пö гажа ворсö море,
Оз и ланьтлы некор скөнъ.

Али гажтöм коми море?
Али мисьтöм сылөн сер?
Сэни юргö олөм дорөм,
Сьылö пила, ворсö чер.

Гажа миян коми море,
Ссылö пила, ворсö чер.

Зэв пö джуджыд ыджыд море,
Зэв пö сылөн ыджыд вын:
Қор пö шывгö из креж дорö,
Сэк пö гөгөр мургö гым.
Зэв пö джуджыд синьöй море,
Зэв пö сылөн ыджыд вын.

Али вынтöм коми море?
Али лажмыд сылөн шөр?
Мед эз личав выль мир дорöм —
Страна корö тырмидз вөр.
Гора ызгы, зарни море!
Коми войтыр, зiля вөр!

1933

Вениамин Чисталёв

(Тима Вень)

ДОРЧЧЫСЬЯС

Швачкёны-дорёны
дорччысьяс...
Вылісянь сьёкыда
кёрт вылө усьёны
мёлөтъяс.
Ыпкёны-пөльтёны
пушканъяс,—
тырёма ловныс.
Огыр моз доналө
горниын кёрт,
Лямалө, пыдзрасьё
нөш улын — гөрд.
Би зэрөн сявкъялө,
гөгөрыс кинь
Зарниён мичаа
киссьё.
Кашкёны-мудзёны
дорччысьяс...
Дзожгысьё-войталө
кёрт вылө пось.
— «Вачкыштлы!..»—
горөдлө ёртыслы
дорччысь.
— «Ёнджыка, вокө!»—

шуыштлө мӧдыс.
— «Мед бур лоас гӧр!
Пыді мед муркӧдас,
лукыртас мусӧ!
Няньӧн мед тырталас
войналысь гусӧ!
Мед дорччыськӧд гӧрысь
ӧтвылысь олас!
Мед чарлакӧд мӧлӧт
ӧтлаӧ кыяс!»

1921

Михаил Лебедев

МЕД ДЗИРДАЛАС ШОНДИ

Мед дзирдалас шонди!
Мед югъялас луныс!
Мед дзоридзён тырас
Да нюмъялас му!
Мед шондилань быдён
Пыр осььлалас, мунас!
Мед шондиа туйсö
Оз вевттьыв сьöd ру!

Ми, уджалысь войтыр,
Зэв кыпыда олам.
Ми жугыля некор
Ог öшöдлöй ныр.
Кöть кытчö ми мунам,
Москваö кöть волам,
Збой котырөн повтöг
Ми ветлöдлам пыр.

Ас муын, ас гортын
Ми шудаöсь быдён.
Лёк гöльлунлысь важөн
Ми косялим вез.
Выль олём ми тэчам,
Кыз партия индö,
Кыз вöчас ас кадын
Став уджалысь йöз.

Ми уджалам зіля
И удж вылын съылам.
Қор долыда овсьö,
Сэк кызди он съыв!
Быд карын, быд сиктын,
Быд пельöсын кылö
Том войтырлөн ворсöм
Да збой съыланкыв.

Мед дзирдалас шонді!
Мед югъялас луныс!
Мед дзоридзөн тырас
Да нюмъялас му!
Мед шонділань быдөн
Пыр восьлалас, мунас!
Мед шондіа туйсö
Оз вевттыыв съод ру!

1945

МЕНАМ ШУДЛУН

Ассыым шудлун вöлись гөгөрвои;
Өнi тöдa,
Кытчö кöть ог мун:
Югөр койö меным
Асья войö
Менам шудлун —
Менам чужан му.

Менам шудлуной
Эм менам томлун,
Кыпыд сьөлөм,
Киподтуя удж.
Миян востерлунөн
Кузяла кöть вомлөс
Повтөг Войвыв саридз вудж.

Чужан му тэ менам,
Синмөн судзтөм,
Тэнад вынлөн
Некөн абу пом.
Пöрысьмам ми... Мудзам...
Тэ пыр мудзтөм...
Тэ пыр лунысь луно том.

Кыз нö радейтчытөг миян овны,
Олөмыс кö долыдлунөн тыр.
Сетам ассыным ми

Тэныд томлун,
Том мед вöлiн
Нэмыд кежлö пыр.

Менам шудлун —
Сийö шуда аски.
Миян кузь туй
Джынвыйын оз ор.
Югид кадын аддзысьлам на, гашкö,
Паныдасьлам,
Ичötдырся ёрт!

Розъявны
Став вöльнöй мувыв пасьта
Кутас енэж улын гажа сад...
Паныдасьлам!
Пышйöм вояс казьтам...
Кыпыд томлуннымлысь
Визув кад!

Визув кад!
Тэ вунны дыр он вермы.
Тöда,
Коркö казьтылантор сюрас.
Сийөн аслым пыр ме шуа:
Тэрмась овны талун
Тыр олöмөн бура.

Шуа аслым:
Олöмысь ог дöзмы.
Сийö гажөн
Морöс пытшкöс пестö.
Мый кöть став олöмыс —
Йöзлөн?
Сэни неуна и менам места.

Сы вöсна и меным
Татшöм долыд,
Морöс пиысь
Сыланкыв оз куслы,
Сы вöсна и
Ловтыр гажөн ола,
Видза сьöлөм пиын
Помтöм муслун.

1936

ШУДА МУ

О, шуда му!
Тэ, рөдинаой менам!
Кор судзсис эськө
Менам дзоля сыв,
Сэк помтөг, помтөг
Кутлі эськө тэнö,
Кыз рөднөй мамсö
Кутлө рөднөй ныв.

Мен тэын ставыс
Радейтана, муса:
И гажа вөр,
И тэнад вына йөз,
И зарни шонді,
Шонтö коді мусö,
И миян весьтын
Сынöd — кельыдлөз.

Мен муса тані
Зарниасян муяс,
Кыз зонлы муса
Радейтана ныв;
И тувсов кадын
Вөрөн тырөм юяс,
И сэні юргысь
Мыла сзыланкыв.

Ме пытшкын сьӧлӧм
Ыпъялӧмӧн чеччӧ,
Ас пельпом сайысь
Кыла вына борд;
Збой варыш моза
Лэбзя, лэбзя сэтчӧ,
Кӧн узьӧ миян
Медся ыджыд морт.

И шуа сылы:
Примит, ыджыд айӧ,
Веж парма шӧрысь,
Ылі муысь тэд
Ме ыджыд, ыджыд
Аттӧ татчӧ вайи
И большевистскӧй
Биа пӧсь привет!

И войтыр миян
Тшӧктіс ещӧ шуны,
Мый вӧрӧг сійӧс
Виччысьтӧг оз су,
Мый ставӧн дасьӧсь
Бӧръя тышӧ мунны,
Мед сюся видзны
Шуда, гажа му.

А ыджыд айӧ
Воча меным шуас
Выль вермӧм вылӧ
Сьӧлӧм сетан кыв,
И зіля сійӧс
Парма йӧзлы нуа,
А ачым пана
Гажа сыланкыв:

О, шуда му!
Тэ, рөдинай менам!
Кор судзсис эськө
Менам дзоля сыв,
Сэк помтөг, помтөг
Кутлі эськө тэнö,
Рөдимöй мамсö
Кутлö кыдзи ныв.

1938

26135

БИБЛИОТЕКА
Респ. Краев. Музея
Номі АССР
город Сыктывкар.

Владимир Латкин

ТУНДРАСА МОЙД

Пыр син водзын тундра,
А выліас енэж.
И кодзувъяс кынмисны,
 Олöны чöв.
Ме пукала нарт вылын,
Көръясыд лэбзьöны...
Пельясын шутьлялö,
 Звенитö тöв.
Дас верст лыда костъяс
Кыдз быттьö эз вöвны,—
Буран пырыс бара нин
 Тыдовтчö чум.
И шойччигöн — би дорын
Пукалам орччöн:
Мен кузя зэв висътасьö
 Көр видзысь Рум.
Сэн чум сайын дугдывтöг
Вой тöлыс кашкö.
Кын му вылö усьöма
 Эзыся вой.
А чайникын пöсь ваыс
Пузигöн вашкö,
И пельясад исковтö
 Тундраса мойд:
«Сэн — ылын, кön помассьö

Рочьяслөн муыс,—
И лунвывлань кырымнас
Шеныштіс Рум,—
Кыт визувтө шонид
Да паськыдось юяс,—
Сэн сад пытшкын сулалө
Зэв ыджыд чум.

Быдмөны гөгөрыс
Фабрик-заводъяс,
Став сынөдсө тыртөма
Стройкалөн гор.

А чум пытшкын пукаліс,
Веськөдліс ставнас
Ен мывкыда —

Гөль вөсна төждысьысь
Морт.

Мед му пасьта лөсьөдны
Вөвлытөм олөм,
Мед уджалысь войтырлы
Лөсьөдны бур;

Мед өткодя лолаліс
Тундра и лунвыв —
Со мый вөсна төждысис
Выналөн юр.

Кор чум вылын өзйис
Вит грана кодзув,
Став мувыв и рытиввыв
Колины шем...

А төвшөрын (уджъяслөн
Гымалан шы улө)
Выналөн виччысьтөг
Помассис нэм.

Сюрс чом костө паськаліс
Помасьтөм тундра!
Көн тундралөн помыс?

Көн тундралөн шөр?
Та өдий немсяма
Юөр оз паськав,
Кыз шогсяна юөрсө
Разөдіс төв.
Сэк вой төлыс ярмис
И шутьляліс, бөрдис
Став тундракөд
Дыр...

А гымалан воясын
Вочасөн кыисны
Морт йылысь,
Удж йылысь
Збой сьыланкыв.

Пыр вой төвкөд мунөны
Визулось воясыс...
Зумыда водзө пыр
Тувччаліс кад.

И выналөн чум гөгөр
Коялөм көйдысысь
Быдмөма

Төдлытөм дзоридза
Сад.

Сюрс тракторъяс көрт шыөн
Тыртисны сынөдсө,
Фабрикъяс тшынлаыс
Енэжыс руд.

И вөвлытөм збой йөзъяс,
Вөвлытөм вынаось —
Камгөны, дорөны
Му вылын шуд.

Ен вежөсъяс потшисны
Юяслысь визув;
Выль өдзөсъяс востөма
Юяслы морт...

Сэк чардбиён öзйöма
Вадор и сынöd,
И му пасьта гөгортис
Вермана гор.
Тан, чумъясын, тöла;
Тан, чумъясын, пемыд,
Куш выліас югъялö
Енэжлөн бан.
Мен мукöддыр кажитчö:
Кодзула енэжыс —
Мувывса уджъяслөн
Бур рөмпештан.
Сэк радейта видзöдны
Судзлытөм выліас,
Му вылö водö кор
Эзыся вой.
И кывтöны син водзын
Кодзувъяс, фабрикъяс,
Югъялö чардбиён
Выль Днепрострой.
Со, аддзан, сэн войвывлань
Енэжыс пемыд,
Оз тыдавын кодзувъяс —
Местаыс куш.
Сэн тундралөн вуджöрыс,
Миянлөн нэмыс,
Сэн стройкалөн би югөр
Онödз эз чуж...»

.....

Мед скöралö тундра,
Мед шутьлялö вой тöv,
Мед лымйöс моз разödö
Румъяслысь шог.
Со, син водзын тöдчö,

Кыз тундраыс ловзё,—
Тан зумыда пуксьö тшöтш
Виль оласног.

* * *

Ок, радейта ёна,
Кор войвылын төла!
Кор сөстөма дзирдалö
Каменка шор...
И во мысти бара
Яр Каменка пöлөн
Ме муні, көн гыасьö
Стройкалөн гор.
И векныдик көрт туй,
И стрöйбалөн нöрыс
Мен кажитчис бытьёкö
Вöвлытöм вöт.
Öд збыльысь — ме войвылöс
Тöдлывлі тöрыт,
Но талунъя войвылöс
Некыз эг тöд.

1932

Александр Габов

БОРДЪЯ ЛУНЪЯС

Вай ярджыка дзирдалой,
Бордъяса лунъяс,
Вай водзланьö мунöмлысь
Чорзьöдлой öд,
И висьталой миянлы
Ассыныд думъяс,
Қысь миянкодь олöмыс
Сюрас-ö мөд?

И мыйла нö морöсным
Ойдöма гажөн,
И мыйла сідз йöзыслөн
Тöммöма нэм,
И мыйла нö татшөм гаж
Эз вöвлы важөн?—
Ті, бордъяса лунъясой,
Висьталой мем.

* * *

Ми төрыт кө
Аскиа лун йылысь повлім,
А талун нин полөмсö
Сьөлөм оз төд.
Ми төрыт кө удж йылысь
Полөмөн овлім,
А талун нин олөмыс
Лоöма мөд.

Удж ставнымлы лоис —
Геройство да слава,
Удж вöчöмыс миянлы —
Доблесть да честь.
И уджъяссö вöчам ми
Отвылысь ставон,
Мед гым шыон юръяліс
Врагъяс юр весът.

Кор уджыслысь корöмсö
Сьöлөмнад кылан,
Сэк зільджыка көсйыссö
Уджавны тэд.
И удж вылын сылан,
И шойччигон сылан...
Ми шойччамö, бурджыка
Уджавсис мед.

Ныв-пиянлы школалон
Воссьöма öдзöс,
И сöмын нин повтöга
Школаас мун.
Сöветскöй том челядьлы —
Вöвліс кыз важон —
Со оз нин сувт гудырөн
Воан выль лун.

Ме олөмсъяс бөрйöдла
Сэтшөм кывъяс,
Мед висътавны сійöс,
Мый талун нин эм.
Зэв гажайсь, долыдöсь
Зонъяс и нывъяс,
И на весьтын пуксьöма
Шудлуна нэм.

И том йөзкөд өтвылысь,
Том йөзкөд радысь
Тшөтш песняс горөдө
Пөрысьлөн вом:
— Ми морөсын чукийдзыс
Тырөма радыс,
И сьөлөмным кажитчө
Томсьыс на том.

Ми важөнсө ен нимтөг
Сёрнитны повлім
(Дай ен нимнас миянлысь
Тупкисны вом),
Дзик пемөсьяс моз жө ми
Нэмьясөн овлім,
И сиркурыд олөмлөн
Эз тыдав пом.

И өні ми трибуна вылө
Кор каям,
И олөмным йылысь
Кор вөчам доклад,
Ми кывзысьяс пельясөдз
Лыдпасьяс ваям,
Мый морөсын кыпөдө
Гажлун да рад.

И висьталанторьясыд,
Майбырөй, сюрө:
Тэ отитор шуан,
Нин вөзйысьө мөд.
Выль мөвпьясыд сёрнили
Кыёны сюрөс.
И важся моз сьөлөмыд
Полөм оз төд.

А нывбаба — скöтысь на
Омöльдзык вöвлі,
Сылөн став правоыс:
Пöсь пачвомдор,
Да гырнич да укват...
Но кыв шуны повліс,
Мый нывбаба олöмыд
Жугыль и нор.

А öні нин нывбаба
Разяліс кияс,
И олöмыс водзын
Тшöтш восьтöма син.
Со нывбаба — удж вылын
Öткодь дзик миян,
Со нывбаба — сэтшöм жö
Творческой вын.

Ас сиктъясысь аддза ме:
Больнича, школа,
Эм культура керкаяс,
Трактор, комбайн...
Кöть кытчö ми ветлывлам,
Кытчö кöть волам,—
Выль олöмлөн быдлаын
Нюмъялö бан.

Со вөр пöвстын бияс.
Тан тракторной база,
Сё сюрсясөн юясö
Исковтö кер.
Тшем вөр пöвстын олöмыс
Лоис тшöтш гажа,
Тшем вөр пöвстын шудлуныс
Пышкас оз төр.

Со сиктъясын ыбъясным
Отаӧсь миян,—
Колхозъяслӧн кышӧдчӧ
Кузь шепта нянь,
Колхозниклы
Кышӧдчысь няньыс сэн сиӧ
Бур олӧмсӧ гажаӧс,
Долыдӧс, шань.

И йӧз костын дружбаыс
Лунысь лун ёнмӧ,
И йӧзкостса дружбаыс
Некор оз кус.
Дзик ӧткодьӧсь лоисны
Ненец и коми,
Удмурт и татарин,
И роч, белорус.

И пуксьӧма праздникыс
Миян юр весьтӧ,
И став йӧзыс горӧдӧ
Збой сыланкыв.
Законын мый гижӧма,
Пӧртамӧ честьӧн
И мужик и нывбаба,
Том зон и ныв.

1938

МЕНАМ ПАРМА

Көть менам ывла овлө скөр,
Көть сьёкыда тан чужё тулыс,
Дыр узьё Эжва кыз йи улын,—
Ме ставсё прөстита ас мулы
И ог веж мөдөн. Төда, бөр
Ас дінас кыскас менө вөр.

Ой, сьёкыд дойдны ассьыд вуж,
Код пыдө пырис нин ас муө!
Ме водзвыв өлөда — эн шуйй,
Мый шудла ылөдз сьөлөм нуө.
Дзик некөн ачыс шуд оз чуж,
Мен сійөс вөрын сетіс удж.

Оз видзөд важ вылө ас му,
Көть тані кургёны на тарьяс.
Пыр лэптө, лэптө менам парма
Дзик ас кодьыс жө джуджыд карьяс.
И важмоз сылы нин он шу:
«Век кежлө енмөн ёрөм му».

Мен кольліс пай и бательөн нэм,
Ме новлі сылысь лаз и дукөс,
Но вөрьяс пиө вошөм мукөд
Ми корсим: сылы — чой, мен — другөс.
Мый вөлі колө, сюрис мен —
Страна сөветскөй менам эм!

1957

Альберт Ванеев

КЫК САЛДАТ

*„Отечественной война кадд
храбрыйяс смертьон уси Совет-
ской Союза Герой гвардияса
старшина Евсей Гребенюк.
Онi сийö жö полкö воис слу-
житны геройлөн пиыс — Вик-
тор Гребенюк“.*

(Армейской газетасысь.)

Эз весь вош миян пушкаяслөн сёрни,
Но танкъяслөн атакаыс эз ланьт,
И писькөдчис, кыз вөр, окопьяс дорөдз
Сьод свастикаа öти бусось танк.

Сэк пиньсö курччис, сувтис бруствер весьтö
Гранатаясөн öшлөм коммунист,
И горөдис: «Тан гвардия советской!
И сідзкө таті, гадина, он письт!»

Кыз ён преграда, водис танклы паныд,
Геройлөн смертьон уси старшина...
Боецлы, коді кутіс тайö танксö
И талун аплодируйтö страна.

И сьлөн пиыс, коді батытөг колис,
Кыз быгтьö сылы мукөд туй эз вöv,
Кыз коркө батыс, талун сувтис стройö —
Гвардейской полкö воис рядövöй.

И мунö öти туйöд налөн олём —
Геройяс йылысь помасьлытём висьт:
Том пи — салдат, неважён комсомолын,
А сылөн батыс вöлі коммунист.

Пи пельпом вылын батыслөн погонъяс,
Пилотка вылын сэтшöм жö звезда.
Қыз быд салдатлы Рöдинаыс дона,
И батыс моз жö врагöс чегны дась.

1957

Василий Власов

ЗБЫЛЬМӨ ВЕК ЭСКӨМЫС ЙӨЗЛӨН

Миян
 сөветскöй странаса народ
стрöйтö,
 лöсьöдö вильнога олөм.
Паськөдö шуд
 ассьыс югъялан борд,
ссыланкыв сывьсö пыр гажаджык горөн.
Веськыд
 став мирыслы
 тыдалан туй
Партия югдöдiс,
 быдөнлы восьтiс,
и коммунистьяслөн слава оз кув,
налысь
 история
 нимъяс оз вошты.
Партия чуксалö, кыпöдö вын;
уджалысь йöз сылы сьөлөмсянь эскö.
Партия
 сылөн
 и компас
 и син,
Партия — эм коммунизмлөн предвестник.
Тöдам ми ставөн, мый шондiысь лун
торъявны
 некыдз

и некор
оз вермы.

Партия
бокō
народысь
оз мун;

сыкōд
народ
некор,
некōн
оз йөрмы.

Мыйта кōть врагъяслōн вирыс оз пу,
воысь во, лунысь лун
вын мяян содō.

Помам
плотинаōн ю бōрся ю,
и багатыръяс моз восьлалам водзō.
Абу нин ѓткаōсь

му вылын ми:
микōд миллиард мында войтыр нин мунō.
Сылас

«холоднōй войналōн»

пеж йи,—
бдительность йылысь народ кō оз вунōд.
Партия

сьезд вылын сувтōдiс мог:
стрōитны, лōсьōдны, мичмōдны олōм,
мир вōсна тышкасьны,
бырōдны шог

нэм кежлō му вылысь.

Сōвесть тадз корō.

Ставōн ми тōдам:

оз весьшōрō вош
сьездывса сёрни,
решение сьездлōн.

Шудлысь

оз первой страница нин восьт

Партия.

Збыльмө век

эскöмыс

йöзлөн.

1956

ЧУЖАН МУ

Сійӧ му менам некор оз вун,
Кӧні море моз шыльквидзӧ парма,
Кӧні лунысь лун быдмӧны каръяс,
Кӧні пуксис зэв шань, гажа лун,
Сійӧ му менам некор оз вун!

Кӧні море моз шыльквидзӧ парма,
Кӧні «Шондібан» сьывлісны рама,
Сэні юралӧ стройкалӧн гор,
Сэні олӧмыс паськӧдіс борд,
Кӧні море моз шыльквидзӧ парма.

Кӧні лунысь лун быдмӧны каръяс,
Дзикӧдз томмис сэн дзор Заполярье,
Нефтьӧн, из шомӧн козьналӧ му,
Помтӧм пармаӧ водіс кӧрт туй,
Кӧні лунысь лун быдмӧны каръяс.

Кӧні пуксис зэв шань, гажа лун,
Сэні олӧны вына колхозъяс,
Сэні эз лоны пемыдлун позъяс,
Быдмӧ, дзордзалӧ выль Коми му,
Кӧні пуксис зэв шань, гажа лун.

Сійö му менам некор оз вун,
Сэні чужлі ме, öввö-öв кывлі,
Сэні бордсялі, уджала, сыла,
Сэні аддзи ме ассьым шудлун,
Сійö му менам некор оз вун!

1945

ЛЕНИНСКОЙ ТУЙОД

Вит сюрс коммунист
и накөд ме
съезд вылө ыстимöй
делегатос.
Гордöя сийö пукалө сэн,
сьөлөмдор зептас алöй мандата.
Кажитчö,
ыджыд-ö бумагатор,
кыпидос тупкө муртса;
но тайö мандатсö
лэптан кор,
гөлөсыс кылö
вит сюрслөн.
Асывсянь рытөдз
кыссис
ЦК-лөн отчёт
кызьöд съездлы
аслас уджысь,
и син водзö сувтлісны
во бөрся во,
неважөн кодъясöс Рөдина вуджис.
Ловшысö кутіс быд делегат,
сёрнитіс кодыр
Хрущёв ёрт,

Василий Лыткин

(Илля Вась)

МУНӢНЫ

(Гражданской война дыря серпасьясысь)

Дзордзав жӧ, Коми му, коляоз дзоридзӧн,
Сьӧлаоз синъясӧн, гӧрд лежнӧг цветъясӧн!
Быдмы жӧ, парма шӧр коз,
Кисьмы жӧ, керӧсдор оз!
Ӧтвылысь став Сӧвет йӧзкӧд
Нимкодясь, кыпыда нюмъяв:
Асывлысь ловшысӧ кылан —
Пармаын гораа сьылан.

Видзӧдлӧй: лӧзалан Сыктымным нюмъялӧ,
Гож водзӧ, луд вылӧ, водӧма Эжваным.
Видзӧдлы, став Коми му,
Шлывгӧ кыз Печора ю,
Из вомӧн чеччалӧ Изьва,
Сӧдз вийӧн визувтӧ Емва,
Шуньгӧны ворсӧгтыр рама
Мезень и Луза, и Кама.

Коми му сӧнъясӧд, енӧж лӧз ю кузя
Пыжаяс лыд ни тшӧт кывтӧны-катӧны.
Тильсяялӧ ӧпаснӧй шы,
Сералӧ посныдик гы.
Туй кузя мунӧны мортъяс,
Мунӧны вӧлӧн и подӧн.
Буткӧдчӧ пароход ылын.
Тырыс йӧз пароход вылын.

Кытчö нö муаннуд, кытысянь локтанныд,
Сьöд парма пиянöй, ялаяг йылöмъяс?
Кутшöмджык тiянöс мог
Гортсьыныд нуö, бур вок?
Делегат съезд вылö, аньяс?
Став коми съезд вылö, ёртъяс?
Ставныд тi важ олöм ёрад?
Камгöй жö выль олöм, дөрöй!

Кытчö нö мөдöдчид, том войтыр, челядыас?
Чукөрөн-чукөрөн тэрыба муаннуд?
Мөдöдчид югдöдны юр?
Мунöй жö, удж тайö бур!
Паськөмныд дөмасöсь, кöдзыд —
Чужöмныд дзирдалö югид.
Муаннуд сёөн и сюрсөн
Мунымлы перйыны бурсö.

Видза жö оланнуд, том войтыр, выль
войтыр,

Тувсовъя асылöн томиник быдтасъяс.
Быдөн тi уджалысь пи.
Югдигөн быдманнуд тi.
Туй тiян — саридз кодь паськыд.
Вынийөрныд сойясад эм-ö?..
Вöчöй жö мунымлы шемöс!

Кöрт кодьöсь чорыдöсь томиник сойясныд.
Тöда ме — морöсныд чукиён тыр кöсиймөн,
Вöчаннуд вöтьясысь збыль,
Вежад му... петкөдчас выль:
Пармаын лыд ни щöt кутас
Буксыны завөдлөн труба,
Грымöдны машина вөртi,
Пароход — йи море шöртi...

Дзордзав жö, Коми му, коляоз дзоридзöн,
Сьöлаоз синьясөн, гөрд лежнöг цветьясөн,

Быдмы жö, пармашöр коз,
Қисьмы жö, керöсдор оз!
Отвылысь став Сöвет йöзкöд
Нимкодясь, кыпыда нюмъяв:
Асывлысь ловшысö кылан —
Пармаын гораа сылан.

* * *

Шондiыс дзирдалö,
Енэжыс лöз.
Мунöны туй кузя,
Мунöны йöз.
Паськыд туй шöрын
Пöрысь и том,
Қианыс дöра
Шевъялö дон.
Ссылöм шы юргö,
Горалö гор:
Ызгö и жургö
Тувсовъя шор.
Мунöны сён,
Тувччалö сюрс,
Чужöмныс югыд,
Кыптöма юр.
Шондiыс дзирдалö,
Енэжыс лöз.
Мунöны туй кузя,
Мунöны йöз.

ДЕПУТАТЛӨН МӨВПЪЯС

Тувсов льөм пу моз розъялө олөм,
Зумыд кок йылө сувтисны йөз.
Сиктын вужъясис выльпөлөс олөм
Враглөн эралан оз повзьөд грөз.

Ставыс син водзын путкыльтчис важыс,
Кызди пөрлывлө сисьмөм важ пу;
Либө аръявыв шонди-мам кызди
Выжө-весалө көдзыд уль ру.

Степын, каръясын, пармаын миян
Кылө збой уджлөн паськалысь гор.
Визув юясөд тулысын шлывгө
Увлань заводө уна сюрс кер.

Ловзис, кыпөдчис войвывса Коми,
Босьтис уджын стахановскөй өд,
Чужтис выль каръяс, мичаөн лои.
Парма миянлысь өни он төд.

Вөлі букыша кодыркө сійө,
Вөлі куреньын весьт судта няйт.

Лоис оланін сөстөм да гажа —

Тайөс вөр лэдзысь некор эз чайт.

Вөлі кымөра, бушкала кадыс,

Зэвтліс горшъясөс кык пратя вез.

Ковмис уна вын пуктыңы, медым

Лои мездөма комилөн грезд.

Да и ачым ме коньөр моз овлі,
Вөлі бaть-мамлы меысь тшөтш мат.
Быдми йөз ордын — Комисянь өні
Властьлөн органын ме депутат.

Өні син водзын дзордзалө сиктөй,
Кыдзи тулысын дзордзалө видз.
Быдмис льөм пусянь йөзъясөдз ставыс —
Ставыс вильмис дзик вужсяньыс сідз.

Нюдзвиж өзимлөн быдмөмыс муса,
Найөс оз торйөд туруна бор.
Кузьось, паськыдось, шылъыдось муяс,
Межа видзяскөд — Сыктыв вадор.

Петук садъмөдліс горзөмнас сиктөс,
Сылөн войшөрын палялө ун.
Өні тракторлөн рычитан гөлөс
Панө асывсянь уджалан лун.

Шумөн грымөдө, пуркйөдлө тшынөн,
Сійөс виччысьө паськыд ыбвыв,
Змейөн гартыштчө плуг бөрся муыс,
Рульө кутчысьөм лөз синма ныв.

Зумыд олөмлөн зумыд и туйыс,
Сэті кыпыда восьлалө сикт.
Ставлөн сьөлөмын — помасьтөм тулыс, —
Сэтчө важ сяма шог оз нин письт.

Гөгөр сулалө вежөдө парма,
Төвкөд ливкйөдлө виль сыланкыв:
Кыдзи дзордзалө Коми му ставнас,
Сылысь кыптөмсө кыз нө он сьыв!

Борис Палкин

АС ИЫЛЫСЬ МЫЙ МЕ ВИСЬТАЛА?

Кад мунны. Ачым полакодъ,
А мунны колö быть.
Öд райкоммол со корöма...
Бюро сэн талун рыт.

Дзик выльöс, комсомольскöйöс,
Мен сетасны билет.
Но сыöдз биография
Сэн юаласны, дерт.

Ас иылысь мый ме висьтала?..
Ме гортын ола век.
Мый «пятыяс» вылö велöдча,
Öд он жö висьтав сэк?

Öд он жö кут сэн казытивны,
Кызд босьтчис став отряд
Да школа гөгөр садитис
Том пуясысь веж сад;

Кызд спортплощадка стрöитим
Крут берег вылö ми,
Кызд зарни шепъяс öктигөн
Эз мудзлы тэрыб ки.

Од ставыс тайö тöдчйтöм —
Быдлунъя ичöt удж.
А вöчны мыйкö ыджыдöс
Эг удит на, эг куж.

А вокъяс — комсомолецьяс,
Кыз дерзайтöны со:
Му пыштi найö восьтöны
Чудеснöй туй — метро!

И сэн, көн мусö сывдыны
Эз вермыв шондi жар,
Бур урожайяс быдтöны
И лэптöны выль кар...

Тадз думайтiгтыр мунi ме,
Эг казавлы туйкост,
Со райкоммоллөн здание...
Кыз воськовтi порог,

Мен пырöмөн тшöтш нюмдiсны:
— Лок шойччы, ичöt друг...
Көть тöдi, мый мен висьтавны,
Но тökөтбö эг дзуг...

Мен бара ставөн нюмдiсны.
И сувтiс секретарь.
Ме шуöm сылысь виччыся —
Друг меным лои жар.

И шуис: — Тэнад олöмыд —
Став челядьлы пример.
Тэ лоан комсомолецөн.
Тэ — славнöй пионер!

Мед талун тэнад олöмысь
Зэв ыджыдтор оз сюр,
Тэ велöдчан отличнöя,
А тайö вывтi бур.

МЕДЫДЖЫД ОЗЫРЛУНЫС МЕНАМ

Октябрь, кор лыйис тэнад гым,
Сэк мустөм важсө рөкыс суис,
Йөз сьөлөмъясысьсыліс лым,
И шудлань мөдіс чужан муөй.

Али, Октябрь, сэк эг на-й вөв?
Но шудсө сэк нин меным койин.
Нева ю дорсянь ыркыд төв
И татчө войвылө тшөтш воис.

Да, татшөмтор эз сідз-тадз шед:
Өд арын кужис чужны тулыс.
Эз сэк мөй выльлөн кыа пет,
Код вежис бансө дона мулысь?

Эз сэк мөй выльлөн кыа пет,
Код өзйө миян гордөй стягын?
И муөдз копрасьоны тэд
Дзор нияяса Коми ягъяс.

Со талун gryмакылө гым,
Кызд сэки, нелямын во сайын:
Салютлөн кыпыд, збодер шы
Быдлаын кылө, дзик быд крайын.

Ме лёккөд тышын ог ло ляб.
Ми тэкөд быдтор вермам-венам.
Сөветскöй му да тэ, Октябрь,—
Медыджыд озырлуной менам.

1957

Серафим Попов

СТАЛИНГРАДСКОЙ БАЛЛАДА

*„Найö вöлыны дас квайтöн,
на лыдын и Михаил Шукто-
мов, коми зон...“*

*Гвардеецъяс примитисны
неравной бой 15 фашистской
танккöд...“*

*Медся сьöкыд здукас найö
босьтисны гранатаяс да усь-
кöдчисны танкъяс улö, но
позициясö эз кольны...“*

(Сталинградской эпопеяысь)

I

Коркö волан кö Волгалань тэ,—
Пöся окышт тась ранитчöм мусö,
Кöни Миша Шуктомовлөн кусі
Кодзув югөр моз дзирдыштöм нэм;
Копырт юртö да пидзöсвыв сувт
Братской гу бердö öти здук чöла,
Мед салдатыслысь палявтöм ун
Оз нин торк весиг котöртысь тöлыс...
Сійö ми дінö мöдысь оз лок
Да оз аддзы чудесной творенье,
Кыдзи Волгакöд сывъясис Дон
Сэни, пуис көн коркö сражение.
Но быд дзоридз, быд веж турун си

Кутас казътывны нимсö салдатлысь,
Коді олөмсö сідзи эз видз,
Кызди видзис быд из Сталинградлысь.

II

...Дас квайт гвардеецлы сiөм висьт
Сьөлөмын пессьö мед.
Дас квайтөн шуисны:
— Враг оз пьсьт,
Лов кытчөдз миян эм...
Танкъяслөн сталь улын ойзис му,
Тираліс вөр и ва.
Клятва моз шуисны быдөн:
— Кув,
Но Сталинград эн сдайт!
Дас öти русскöйяс: дас салдат
Да лейтенант Чирков,
Кык украинец да кык казах,
Комиысь öти зон...
Эм öмöй му вылын сэтшөм вын,
Торйөдас найөс код?
Сувтис гвардеец:
— Со... бара тшын...
— Бара нин...—
Шуис взвод,
Öтилөн — ранаяс, мөдлөн — вир
Войт бөрся киссьö войт:
Дьявөлскöй крестьяса дас вит «тигр»
Панисны смертнöй бой.
Ышловзис öти:
— Салдатскöй труд
Весьшөрö мед оз вош...
Мөд сэтчө содтыштис:
— Чужан му

Некор эз вунöd, зон...
— Эм ылі войвылын Коми край,—
Шуис Шуктомов.— Эм...
Мед эськө төдіс жө муса мам,
Мый пыр на ловъя ме...
Сэн менам томлунöй... шудöй сэн...
Пожöглөн эзысь ва.
Сюрс километр сайысь локті ме
Пөдтыны тась война.
— Киев ме эновті...— содтіс мөд.—
Доймытөдз öні жалъ
Думайтны: воом фашистскöй сброд
Талялө чужан кар...
— Алма-Ата весьтын öні лөнъ...—
Öзйис казахлөн син:
— Дас квайтөн сулалам öні көн,—
Миян сэн чужанін...
Чөв оліс дыр лейтенант Чирков,
Сьөлөмас пыкис шог:
Тыдалө, медбөръяысь окоп
Аддзöны дас квайт вок...
Öтилөн — ранаяс, мөдлөн — вир
Войт бөрся киссьö войт...
Вермис кө, быдөнлысь командир
Чукөртис сьөлөм дой,—
Абу прöщайтчыны öні кад,
Кутлыны дас вит ки...
...Кыптис дзик орччөн фашистскöй танк,
Восьтіс окоплань би...
Эм автоматъяс... Граната эм.
Лөгөн быд сьөлөм яр...
Сöмын ёсь пуляөн он öд вен
Танкъяслысь кыз броня!
Кыпөдчис сэк Степаненко ёрт —
Киевысь вернöй друг:

— Сизим граната эм сьорысь кор,—
Ме вывті чорт оз вудж!..
...Рөдина! Лоо святöйөн час,
Нэмсö святöйөн му,
Тэнсьыд көн вöлятö, кыз приказ,
Дас квайтöд пöртис друг.
Юрöбтис взрыв... Потис зумыд сталь,
Чöv ланьтис сьөлөм шы..
Дас витлань төвзис фашистскöй танк,
Коялис би да тшын.
Кыпöдчис тэрыба мөд салдат:
— Миянös сідз он босьт!..
Сизим гранатакөд тшөтш запал
Дас витөд босьтис вок.
Уськөдчис танк улö Кочетков —
Русскöй народлөн пи.
Воськовтны кувлытөм мортлысь лов
Весиг эз вевъяв би..
Кыссис дзонь сутки неравнöй тыш:
Колины куим друг..
Лунвывса войыслөн пемыд кытш
Юкис салдатскöй музз.

Шонді оз окав на чужан му,
Тшын улысь эз на пет,—
Танкъясөн ылісянь кыптөм шум
Садьмөдіс помтөм степь.

— Дзевсьыны верман на... Бöрын сөн...—
Шуис Чирков.— Но ми
Дружбалысь помнитам бур закон,
Ёртъяслысь дона вир...

Мирын өд абу на мөд металл,
Восьтытөм сэтшөм би,

Кодос оз выдержит смел салдат —
Миян народлөн пи...

Некор оз висьтав ни му, ни ва
Сийос, мый тодлис морт:
Сувтисны паныдөн куим танк —
Куим немповтом ёрт...

— Очередь, тыдало, другьяс, мен...

— Тыдало,— содтис мод.

Коймодыс окалис найос:— Ме

Быдлао тикод тшотш...

Сывьялис русскоийос коми зон,

Сетис казахлы ки:

Эжвакод быттьокко йитчис Дон,

Кыподчис тан Памир.

Кувнысо гижома отчыл дзик,

Помавны корко нэм,

Но быд геройлөн од чужан сикт

Му вылын конко эм...

— Эм!..— шуис ёртьяслы русскоий вок.—

Ним сылөн — чужан му...

Шуоны, абу по сылөн пом,

Кодарлань коть эн мун...

Сылы ми висьталім клятва-кыв —

Видзны родной рубеж.

Нэмьяс чожд ми йылысь сыланкыв

Юргө став мирын мед!

Русскоий, казах, удал коми зон

Мунисны орчон пыр...

Чышкыштис танкьяссө биа борд —

Куим зэв ыджыд взрыв.

Бөрдіс пөсь му весьтын посни зэр...
Руаліс Сталинград...
Дас квайт том сьөлөмысь ён рубеж
Вуджны эз вермы враг.

III

Коркө волан кө Волгалань тэ,—
Братскөй гу весьтас копыртчы чөла...
Сійөн му вылын өні ми олам,—
Найө сетісны ассыныс нэм!

Эм кө тэнад душа пыткад ёг,
Посни страстьясөн сьөлөмыд ноксьө,—
Пёртны олөмө подвиг да долг
Медым виль вынөн сы бөрын вощьө.

Доңа быдөнлы му вылын мир
Да веж тулыс моз дзордзалысь томлун.
Сэсся некор оз киссьы мед вир,
Қолө сы вөсна тышкасьны, овны.

Восьса ми водзын зэв ыджыд туй,
Мудз оз көсйыны төдмавны кияс...
Вечнө ов, Сталинград!

Тэнсьыд му
Сывны кутасны пиянлөн пиян.

ВЫЛЬ ҚАРЫН АСЫВ

Асывводз,

кор шыасьö Москва,
Спасскöй башнявывса часі
юöртö:

Отчизна весьтын пуксьö асыв...
Тэрмасьöмөн кышала ме пась,
Пета мунны мастерскöйö, цехö,—
Уджö пыртöдз кад көть
унджык часысь.

Кильчö вылын сулала вель дыр.
Любуйтчышта

аслам рöднöй крайöн,
Видзöдышта югзысь бияс вылö
Да, радлунöн сьöлөм менам тыр,
Асылыслы пета паныд карö.
И ме сылысь

асья ловшы кыла:
Көнкö ылын тутсö паровоз,
Грымакыліг мунö рельсыяс вывтi;
Мехзаводын

клёнöдчöны көртөн;
Небесаын полокала¹ моз,
Пöртмасьлö кыз сійö төвся рытын,
Би бенгальскöй уна рöма шöйтö.

¹ Полокала — северной сияние.

Улич сайын,

көні ниа пу

Кольөм во на йывнас пыкліс кымөр,

Экскаватор тури кодь кузь голя

Чургөдөмөн шаргө,

кодйө му.

Депо дорсянь нырө өвтө тшинөн,

Площадь вылын gryмакылө гора репродуктор.

Сёрнитө Москва.

Вөвлөм парма кывзө сылысь гөлөс.

Гөра весьтын муртса төдчө кыа,

А выль кар и сы дорса вөр-ва

Юралёны важөн том удж горөн,

И быд асыв

содоны выль шыяс.

1951

СИЙО ВИДЗӨДӨ ЭЛЬБАЛАНЬ

Пьедестал вылын
сулалө шапкатөм воин,
кутө мездорас
ичөтик нылөс салдат.
Тайө — мирлөн салдат,
победитель и бать,
мездис нывкаөс кулөмысь
медбөръя бойын.
Сийө косьясөн восьлаліс
Волгасянь ылі Берлинөдз,
сийө видзөдө Эльбалань,
киас ён меч,
кодөн рабствоысь мездис Европа,
пеж гидраөс виис,
дорйис аслас народлысь свобода
и честь.
Сэсся сувтіс, кыз страж,
пьедестал вылө
дона Рөдина-мамлөн —
герой-багатыр,
сылөн славаыс му пасьта
юралө-кылө,
некор куслытөм подвигнас
өні гордитчө став мир.
Чужан му вылын
тулысын вежөдысь шобді

асья шондікөд мөдөдө
ылі Берлинө привет,
Сталинград дорын
кыпалысь стройкалөн
дзирдалысь шонді
пъедесталвывса бронзөвөй воинлы
койө яр свет.
Сійө видзөдө Эльбаладь —
сэтчө, көн кылө
ойзөм, бөрдөм,
көн рабствоын пессьө народ.
Океан сайсянь вайисны
воинөн мездөм му вылө:
пушка — вый пыдди,
шуд пыдди — сир курыд шог.
Тшынөн пуркйөны
Крупплөн военнөй заводьяс,
Бара кылө со
тюрьмаысь лэдзөм фашистьяслөн
марш,
налы колө,
мед тіраліс енэжлөн сводыс,
доллар отсөгөн
көсйөны босьтны реванш.
Миллионьяслөн вирыс
мед долларөн зептаныс киссис,
пентагонса шакальяс
му пасьтаыс корсьөны пушечнөй яй.
Разнөй даллесьяс,
черчилльяс, смитьяс...
Выльысь дасьтөны
миянлы паныд война.
Эльба таланьын — мир,
кылө челядьлөн серам,
налөн, кодьясөс мездіс

сöветскöй салдат.
Эльба сайын — сьöd вой, —
оккупантьяслön черыс
мыжтöм кагалысь
сьылісö орöдны дась.
Но пеж врагьяслы
некор не мырддыны миянлысь вöля,
оз удайтчы
народьяслысь кисьтны пöсь вир, —
öд Берлинын салдат
пьедестал вылын сулалö смела,
сійö видзödö Эльбалань,
видзö народьяслысь мир!

1953

ТАЙӦ — РӦДИНА МЕНАМ

Тан меным дона ставыс важмоз:
Быд вомтыр сынӧд, вершӧк му,
И рытын кодзула сэзь енэж,
И шондi петиг небыд ру.

Ог вунӧд тулыс, югид войяс,
И Эжва юлысь шӧвк кодъ визь,
Нэр дзоридзьясӧн кыӧм ыбьяс,
Ю сайысь вежов бархат видз.

Но помтӧм дона меным сiдзжӧ
Тан коркӧ коллявлӧм том кад,
Шань муса нывкӧд ветлӧм сёрӧдз,
Кор сьӧлӧм доймымӧн дзик рад.

Мен ставас Рӧдинаӧй таын,
И сийӧн муса чужан му,
Сы вӧсна сьӧлӧм дiнӧ матын
Ас мулӧн — Рӧдиналӧн шуд.

Мый вӧсна муса ставыс тайӧ,
Ог вунӧд мыйла нинӧмтор,
Пыр аслам олӧмкӧд ме йита
Быдлунья уджлысь гажа гор?

Тэн тӱдса тайӱ меысь бура,
Йӱз муын олысь муса ёрт.
Ӧд кодлы Рӱдина-мам муса,
Тшӱтш муса сылы аслас горт.

Син водзын ставыс тайӱ менам,
Пӱсь сӱлӱм пиын олӱ пыр.
И кытчӱдз сийӱ тӱпкӱ, вентӱм,
Дзик некор радейтӱм оз быр.

1957

Николай Фролов

ДОМНА

Октябрын чужом Совет мулысь
Мед чегны нэриник збой борд,
Став лёк вын кыптис,— сисьмысь, кулысь,
Быд рёма, нима, быд пеж сорт.

Тшөтш тэнö, Коми муöй, пурö
Горш еджыд понъяслөн кузь пинь.
Бөр кусі мезд, кор муртса сюри,
Кыз кусö югнитіг бикинь.

Шог вевттис тэнö кöдзыд пужйöн.
Бөр личкис нартитысьлөн кок,
Бөр няйтö нырö тэнсьыд чужом,
Тэ вылын песö ассьыс лёк.

Со лэччö вир туй Эжва юлань,
Голь коми йöзлөн сійö вир.
Дой налысь öнi Эжва нюлö,—
Белöйяс кыысь мездіс йир.

Эз сöмын Эжва шойла пыкты,—
Збой Изьва, Печора, лөнъ Сыктыв,
Став юыс пурöм шойöн тыр.
Йöз вирөн ойдö юберд кыр.

Но, чужан муöй, сэк эн повзыь,
Кор тэнö суис курыд во!

Октябрса гым улын код ловзис,
Мезд дорйом вöсна пуктас лов.

Пон чукөр моз көть лёкла пуас,
Оз вермы бергөдны важ кад,
Оз вермы дорны мездмөм муос,—
Кад визув паныдлань он кат.

Он вермы сійөс кутны домөн,
Код аддзис кузь вой бөрын лун.*
Он өшөд Қоми мулы томан,
Важ нартитөм эз гөльлөн вун.

* * *

Март төлысь сямнас — кызди кага:
Лёк төлөн ымзө-бөрдө, скөр,
Лым чаййө, пуркийө, нуө ягө,
Он төдлы — бурасьөма бөр.

Со, войбыд собалис сикт гөгөр,
А талун нюмъялө нин март.
Со, шонді ыръялө, кызд өгыр,
Руд кымөр сійөс оз нин гарт.

Лөз рөма енеж, синтө ёрө.
Лым — зарни бикиньясөн тыр.
Со, пышкай чипсө, ёртсө корө,
Кызд төвнас, шонтысьны оз пыр.

Том войтыр — челядь сиктын жөдзө.
Дерт, мустөм талун паччөр бус.
Оз йөрт нин гортө найөс көдзыд,
Оз регыд дзользьөм налөн кус.

Но көн нө татшөм гажа лунө,
Мый керө мян ёрт — том ныв?

Йӱз локтӱ краснӱяслӱн уна,
А сьылӱм Домналӱн оз кыв.

Оз тыдав сӱӱ ӱртӱяс радын,
Оз накӱд мездмӱм сиктӱд мун.
Кӱн сӱӱ долыд, шуда кадын,
Кор ыджыд венӱн пансис лун?

Дзор коз пу улын, Эжва дорын,
Вир гӱптын куйлӱ сьлӱн шой.
Збой сьӱлӱм кӱсӱ, олӱм ори,
Кор вӱлӱ помассьӱ нин вой.

Лым вольпась вылын Домна узьӱ,
А вывтӱ тюргӱ дзоля ёль,—
Дзор коз пу кисьтӱ лапӱяс кузя,
Кыз, гашкӱ, мамыс, синва моль.

А, гашкӱ, тайӱ долыд синва,
Мый бара тулыс, енӱж — лӱз,
Мый эмӱсь кустӱм, кувтӱм нимӱяс,
Оз вунӱд найӱс мездмӱм йӱз.

1941

ДОЗОРЫН

(„Граница вылын“ циклысь)

Вой. Граница. Гөгөр шынитöv,
Быттьö öнi мирыс дзоньнас узьö.
Енэж вывтi тöлысь кывтö чöv,
Кельыд югөр сылөн татчö усьö.
Водзын змей моз читкылясьö ю,
А сы сайын — меным тöдтöм муяс.
Видза танi ассьым чужан му,
Радейтана каръяс, видзьяс, юяс.
Кутшöм найö донаöсь зэв мен,
Радейта ме найöс кутшöм ёна.
Ачым тан, а думъясьöй век сэн,
Олö кöнi Рöдинаöй менам.
Кöнi пуö йöзлөн мирнöй удж,
Кыпöдчöны ГЭС-яс да выль каръяс,
Кöнi быдөн аддзис ассьыс шуд,
Вевттьöны көн мусö мича садьяс.
И, со, тайö озырлунсö враг
Чышкыштны тась көсьö выль войнаөн.
...Пемыд вой. Граница. Кутшöм рад,
Мый ме öнi автомата татөн.
Некор тат граница враг оз вудж,
Абу восьса сылы туйыс мян.
Паськыд Рöдинаöй, тэнсьыд мирнöй удж
Видзöны зэв сюся тэнад пиян.

1956

МЕНАМ ОТЧИЗНА

Меным муса веж коръяса пелысь,
Кор сэн öзйöны розъяс, кыз би,
Юяс, гöраяс, вөръяс — дзик ставыс,
Мый отчизнаөн шуамöй ми.

Кыа ломалö тан коммунизмлөн,
Зарни югöрын му и став ва.
Отчизна, тэ, менам отчизна,
Тувсов шондиа югыд страна!

Войвыв моресянь лунвыв веж муöдз,
Кызди ытвадыр гыалö ю,
Визув томлунөн олöмным пуö,
Гажа садъясö пасьтасьö му.

Паськыд вөръястi муна, көн пуяс
Вылö гордöя лэптöны юр,
Либö сэтi, колхознöй көн муяс,—
Гөгöр вöльнöя дзордзалö труд.

Кöть мед кытчö ог веськöд ме синмös,
Кöть мед кытчö ас муöд ог мун,—
Гөгöр аддза выль каръяслысь дзирдыяс,
Кыла гырысь заводъяслысь шум.

Эзысь рыт. Тöлысь видзöдчö ваын.
Гажа кыр йылын — сьыланкыв гор.
Тайö менам свободнöй странаын
Аслас шуд йылысь сьылö народ.

Свет да разум, твердыня и слава,
И став уджалысь йöзлөн почёт,
Здравствуйт, миян великöй держава —
Мирын мирлөн могучöй оплот!

Кыа ломалö таи коммунизмлөн,
Зарни югöрын му и став ва.
Отчизна, тэ, менам отчизна,
Тувсов шондиа югыд страна!

1949

МИ СТАВӨН ҚОРҚӨ...

Ми ставөн коркө вөвлім томось,
Збойлунөн, эбөсьясөн ёнёсь.
Том руа думным, кызди чикыш,
Ёсь бордъяс вылас асывводзө
Выль лунлы паныд лэблө вильыш,—
Сідз тайө мывкыд сөмын водзө,
Куш водзө зільліс лэбны, кайны,
Мед мирлы козин пыдди вайны,
Мый важөн вөвліс и эз вөвлы,
Мед көдзны, быдтыны му вылын,
Мый некор эз на быдмыв, овлы,
Вын либө петкөдлыны кылын,
Ас уджнад бөрө кольны батьө,
Бур йөзсянь пөлучитны аттьө.

Но кызди овлө, оз быд вөйтва
Усь-солькнит сөстөм визув шөрө,
Дай шорас усьөм уна вөйтва
Оз воны-петав море шөрө.

Корабльтө бөрйиг олөм вуджны,
Зон, прамөя на колө кужны.

1945

Геннадий Юшков

РОЧ НАРОДЛЫ

Выль олөм паськөдіс тан борд,
И тыри парма сылөн горөн.
Пөсь аттьö тэд, мый коми морт
Ме абу öні енмөн ёрөм.

Быд төв Уралö ветлөм дед,
А гортас нопсö вайлөм кушөн.
Зэв ыджыд аттьö месянь тэд,
Мый ог төд няньтөм воыс кутшөм.

Эз восьтыв книга мамлөн ки,
Эз кужлы весиг ручка кутны.
И аттьö тэд, мый сылөн пи
Дипломөн локті институтысь.

Оз чусмась, югыд менам нэм,
Көть чужлі нюрö вöйөм сиктын.
И аттьö тэд, мый сыввсьö мен,
Мый коми кывйөн гижа стихъяс,

1958

ДЖЕНЬЫДИК БИОГРАФИЧЕСКӨЙ СПРАВКАЯС

Иван Алексеевич Куратов. Чужліс 1839 воё Кибра сиктса дьякөн семьяын (өні Сысольскöй районса Куратово сикт). Батыс кулі, кор детинкалы вöлі квайт арöс. Яренскса духовнöй школа помалöм бöрын И. Куратов пырис велöдчыны Вологодскöй духовнöй семинарияö. Тані сійö лыддö гусьөн Пушкинлысь, Гогольлысь, Лермонтовлысь, Плещеевлысь да мукöд поэтыяслысь да писательяслысь произведениеяс. 1857 воё И. А. Куратов гижö ассыс первой кывбурьяссö — «Коми кыв», «Морт олöм».

1861—1865 воясын Куратов уджалö учительөн Усть-Сысольскса церковно-приходскöй школаын. Тайö воясас сійö гижис ассыс унджык кывбурьяссö. 1865 воё сылы ковмис мунны чужан мусьыс ылі Среднöй Азияö, көні уджаліс военно-судебнöй чиновникөн. 1875 вося ноябрын И. А. Куратов куліс. Сылөн литературнöй наследиеыс лои тöдса сöмын Великöй Октябрьскöй социалистическöй революция бöрын. И. А. Куратовлысь произведениеяссö печатайтöма коми кыв вылын кык тома сборникын 1939 воё. Роч кыв вылын сылысь печатайтöма разнöй воясö некымын торъя сборник, медся полнöйсö печатайтöма 1958 воё.

Виктор Алексеевич Савин (Нёбдинса Виттор). Чужліс 1888 воё Сторожевскöй районса Нёбдин сиктын гöль крестьянин семьяын. Земскöй начальнöй училище помалöм бöрын В. А. Савин велöдчис Дереванöйса второкласснöй школаын. В. А. Савин вуджис олöмлысь ыджыд туй, унатор аддзыліс, уналаö воліс да уналаын уджавліс,

Февральскöй революция бöрын сийö локтис чужан муö да активнöя босьтчис общественнöй уджö.

Небдинса Витторлысь первой кывбур «Гöрд звон» вöли печатайтöма 1918 вося августын «Зырянская жизнь» газетаын. Сийö вöли тайö кадас партия укомса секретарон, ревкомса председательон да нуöдис ыджыд удж. Бöрынджык В. А. Савин уджалис «Югид туй» газетаса редакторон. Кувсис В. А. Савин 1943 вося августын.

В. А. Савинлысь вöли печатайтöма войнаöдзса кадö сочинениеяслысь кык том. 1956 воö петис бöрийом гижöдъяслон сборник.

Вениамин Тимофеевич Чисталёв (Тима Вень). Чужлис 1890 воын. Батыс сылон вөлöма Помöсдин сиктса писарон. Дереваннöйса второкласснöй школа помалом бöрын В. Т. Чисталёв мыйкö дыра уджалö Пожөгса школаын учительон. Тайö кадас сийö первойысь босьтчылö творческöй уджö — лöсьöдö роча-комиа букварь да лыддысян книга «Быдманторъяс». Но тайö уджсö ковмис эновтны да регыд лон дугдыны и учителялöмысь. 1915 воö Вениамин Тимофеевич мунис германскöй война вылö. 1918 воö гортö бөр воём мысти Тима Вень прамöянин босьтчö литературнöй уджö. 1933 воöдз сийö уджалис учительон Помöсдинса школаын. В. Т. Чисталёв кувсис 1939 вося октябрын.

В. Т. Чисталёвлысь войнаöдз вöли лэдзöма вель уна книгаяс, сы лыдын сочинениеяслысь кык том. 1957 воын Коми книжнöй издательство лэдзис В. Т. Чисталёвлысь «Олём вояс» сборник.

Михаил Николаевич Лебедев. Чужлис 1877 воö Межадор сиктын. Батыс вөлöма сельскöй писарон, частö вежлавлöма ассьыс олан местасö. М. Н. Лебедевлы удайтчылöма велöдчыны сöмын öти во. Том кадсяныыс сийö уджалис волостнöй правлениеса писарлы отсасы-

сьон Корткерёсын. Дас куим арёссиян М. Н. Лебедев босьтчө гижны роч кывбуръяс. Медводдза произведение-яссö сійö печатайтис роч кыв вылын 1900 воö. Тайö вöлины историческöй да бытöвöй повестьяс да рассказьяс. 1913 воын Лебедев гижис да мöд воас печатайтис 8 кывбур коми кыв вылын. Коми кыв вылын творческöй уджö М. Н. Лебедев прамöя босьтчис революция бöрын да гижис уна кывбуръяс, басняяс, сыланкывъяс, опереттаяс да мойдъяс. Сылысь произведениеяссö лэдзöма уна книгаясын. Бөръя изданиеяс — «Бöрйöм гижöдъяс», 1940 во, «Мед дзирдалас шондi», 1949 во.

Сöветскöй правительствo вылö донъялис М. Н. Лебедевлысь творческöй уджсö да 1939 воö наградитис сійöс «Знак почёта» орденöн.

М. Н. Лебедев кувсис 1951 воö.

Ананий Прокопьевич Размыслов. Чужлис Паль сиктын (Сыктывдiн район) крестьянин семьяын. 1931 воö Усть-Вымскöй мöд ступеня школа помалöм бöрын А. Размыслов уджалö Коми издательствоын, а сэсся велöдчö Вологдаса автодорожнöй техникумын, кодöс помалöм бöрын уджалö техникöн. Война заводитчытöдз кык во сійö уджалö издательствоын да «Коми комсомолец» газетаын, кысянь и мунö Отечественнöй война фронтъяс вылö. 1943 вося сентябрын А. П. Размыслов пöгибнитис храбрöйяслөн смертьöн Украинаын.

А. Размыслов заводитис гижны Емдiнын велöдчигас на да печатайтис уна кывбуръяс да сыланкывъяс. Поэтическöй сборникъяс сылысь печатайтöма 1941-öд да 1950 воясын.

Василий Иванович Елькин (Иван Вась). Чужлис 1912 воö Сыктывкарын, голь крестьянин семьяын. Велöдчыны сылы удайтчис сöмын квайт во, а сэсся ковмис

босьтчыны аслас гортса уджõ. 1930 воын сійõ семьяыс-кõд тшõтш пырõ да уджалõ колхозын. Сійõ жõ воас пырõ газетной работникьяслõн курсьяс вылõ, кõни велõдчõм бõрын уджалõ «Вõр лэдзысь» да «Коми комсомолец» газетаясын, а 1934 воын мунõ Красной Армияõ. Гортас бõр воõм бõрын бара заводитõ уджавны газетаын. Первой кывбурьяссõ В. И. Елькин гижõ ещõ 20-õд вояс помын, но творческой уджõ топыда босьтчõ 1934 восянь.

1941 вося июль тõлысьын Елькин мунис Великой Отечественной война фронт вылõ, медым дорйыны радейтана Рõдина. Сылõн дженьдык, но озыр олõмыс ори боевой пост вылын. В. И. Елькин уси Волховской фронт вылын 1942 вося мартын.

В. Елькинлысь кывбурьяссõ вõли печатайтõма коми газетаясын да «Ударник» журналын, а сідзжõ Коми книжной издательствоон лэдзõма 1948 воõ бõрийõм гижõдьяслысь сборник.

Владимир Павлович Латкин. Чужлис 1910 воõ Прилузской районса Спаспоруб сиктын. Велõдчис Ульяновской сельскохозяйственной техникумын да мыйкõ дыра уджалис агрономõн земельной органьясын. Первой кывбурьяс печатайтис 1930 воын, а во мысти нин лэдзис аслас произведенияслысь первой сборник «Менам босьтчõм». 1935 воын петõ торья-книгаõн ыджыд поэма «Вильмõдõм луньяс».

В. Латкин ассыс том олõмсõ сетис Рõдина вõсна бойясын, юõртõг воши 1942 вося сентябрын.

Александр Григорьевич Габов. Чужлис 1912 воõ Сторожевской районса Висер сиктын. Средной школа помавтõг сылы ковмис пырны удж вылõ типографияõ, а сесянь нин сійõ вуджис газет редакцияõ. 1932 восянь

А. Габов кык во уджаліс Коми радиокомитетын, а сэсся муніс Красной Армия радьясö. Армияысь воём бöрын сійö уджалö «Коми комсомолец» газетаын да радиокомитетын. А. Габов сетіс ассые олöмсö Великой Отечественной война фронтъяс вылын. Ассые первой гижöдьяссö сійö йöзöдіс 1930 воö.

Иван Михайлович Вавилин. Чужис 1911 воö Корткерöсской районса Позтыкерöс сиктын. Велöдчис Помöдінса ШКМ-ын да Сыктывкарын ВУЗ-ясö гөтöвитан курсьяс вылын. Красной Армияын служба помалём бöрын уджаліс республиканской да районной газетаысн. Нель во вöлі Великой Отечественной война фронтъяс вылын, участвуйтіс бойясын. Öні И. Вавилин уджалö «Войвыв кодзув» журнал редакцияын. 1942 воö сылөн петіс стихотворной сборник «Ни öти шаг бөрö», 1944 воö мөд сборник — «Сöветской воин». 1957 воын петіс «Менам парма» сборник. 1949 восянь СССР писательяс союзса член.

Альберт Егорович Ванеев. Чужис 1933 воö Удорской районса Буткан сиктын. 1951 воын помаліс Косланса средней школа, көні вöлі котыртöма «Удораса пионерьяс» литературно-творческой кружок. Школаын велöдчигас заводитіс гижны стихьяс. Медводдза кывбур печатайтöма «Войвыв кодзув» журналын 1949 воö. Коми пединститут помалём бöрын А. Ванеев служитіс Сöветской Армияын.

Василий Иванович Власов. Чужис 1916 воын Усть-Вымской районса Гам сиктын голь крестьянин семьяын. Сыктывкарса строительной техникум помалём бöрын сійö кык во уджалö техник-строительöн, а сэсся мунö Красной Армия радьясö. Армияысь воём бöрын В. Вла-

сов пырö уджавны МВД органъясö, кöни уджалö и öнöдз. Творческой уджö сийö босьтчис 1939 воö да печатайтис нин уна поэтической произведенияс, а сідзжö пьеса «Черн кыйысьяс». 1958 воö В. Власовлөн петис поэтической сборник «Югид туй».

Дмитрий Васильевич Конюхов. Чужис 1911 воö Сыктывдинской районса Гарья сиктын. 1933 воын Коми педагогической институт помалöм бöрын вит во чöж уджалис школаясын учительöн, а сэсся Коми книжной издательствоын редакторöн. Участвуйтис Великой Отечественной война фронтъяс вылын. Боевой заданиеяс образцöвöя олöмö пöртöмысь правительство наградитис сийöс Отечественной война II степеня орденöн да медальясöн. Сэки жö сийö сьöкыда ранитчис. Литературной уджö Д. Конюхов босьтчис 1930 воö кызди поэт да переводчик. 1951 воын лэдзис поэтической сборник «Зумыд вöськолөн». 1949 восянь СССР писательяс союза член.

Василий Васильевич Кривошеин. Чужис 1923 воö Сысольской районса Поёл сиктын. Педагогической институт помавтöг 1941 воын сийö пырис уджавны Коми радиокомитетö, а сэсянь мунис Отечественной война фронтъяс вылö. Армиясь ранитчöм вöсна локтöм бöрын 1945 восянь В. Кривошеин уджалö Коми радиокомитетын редакторöн. Боевой заданиеяс образцöвöя олöмö пöртöмысь сийöс наградитöма «Красной Звезда» орденöн.

Василий Ильич Лыткин (Илля Вась). Чужис 1895 воö Сыктывкарын. Велöдчис Тотьмаса учительской семинарияын, кодöс помалöм бöрын веськалис важ царской армияö. 1917 во помын воис Сыктывкарö, кöни уджалис учительöн, а сэсся «Зырянская жизнь» газета редакция-

ын. 1919—21 воясö вöлі Краснöй Армия радъясын, уча-
ствуйтис гражданскöй война вылын.

1922—29 воясö В. Лыткин велöдчис Московскöй госу-
дарственнöй университетын да аспирантураын. 1930 во-
сянь сийö преподавательскöй да научно-исследователь-
скöй удж вылын. Сылы присвоитöма филологическöй
наукаяс кузя докторлысь звание. Литературнöй уджö
Илля Вась босьтчис ещö 1918 воын на да лэдзис некы-
мын книга. Сийö вöлі коми писательяслысь первой орга-
низация (КАПП) котыртысьяс пиысь öти.

Сергей Михайлович Морозов. Чужис 1913 воö Сыктыв
районса Межадор сиктын. 1933 воö Коми пединститут
помалöм бöрын уджалис среднöй школаясын да зоовет-
техникумын учительöн, а сэсся Коми книжнöй издатель-
ствоын да радиокомитетын редакторöн. Участвуйтис
Великöй Отечественнöй война фронтъяс вылын. Боевöй
заданиеяс образцовöя олöмö пöртöмысь правительство
наградитис сийöс Краснöй Звезда орденöн да боевöй ме-
дальясöн. Война помасьöм бöрын вит во уджалис Кры-
мын, а сэсся Сыктывкарö воöm бöрын — «Вөрлэдзсысь»
газет редакцияын; öнi уджалö Коми книжнöй издатель-
ствоын. Литературнöй уджö С. Морозов босьтчис
1930 воясö кыдзи поэт и прозаик. 1938 воö сылысь пе-
чатайтöма «Депутатлөн мөвпъяс» поэма. 1957 воö сийöс
примитöма СССР писательяс союза членö кыдзи пере-
водчикöс да прозаикöс.

Борис Александрович Палкин. Чужис 1930 воö Удор-
скöй районса Усть-Вачерга сиктын. 1955 воын помалис
М. Горький нима литературнöй институт. Творческöй
удж сылөн заводитчис Косланса среднöй школаын
велöдчигöн. Öнi Б. Палкин уджалö Удораса районнöй
газетаын.

Владимир Александрович Попов. Чужис 1934 воё Ижемской районса Брыкаланск сиктын. Оні сійо велодчө М. Горький нима литературной институтын, Москваын, Гижны заводитис ещө средной школаын велодчигон на да печатайтис журналын вель уна стихьяс.

Серафим Алексеевич Попов. Чужис 1912 воын Усть-Вымской районса Зөвсьорт сиктын. Ичотсянь сійо велалис лыддысьны да кутис радейтны поэзия. Средной школа помавтог на сійо заводитис уджавны колхозын да вöрын. Советской Армия радьясысь воом бöрын сійо заводитө уджавны «Коми комсомолец» газетаын да сэк жö, 1939 воын, босьтчө творческой уджö, гижö да печатайтö газетаясын да журналын кывбурьяс.

1941 восянь 1943 воодз С. Попов вöли Великой Отечественной война фронтьяс вылын, участвуйтис бойясын. Сійос наградитöма Красной Звезда орденон да медальясон. 1944 восянь талунодз С. Попов уджалö коми газетаясын. Сійо СССР писательяс союза член.

Первой поэтической сборник «Фронтöвой туй» С. Попов лэдзис 1945 воын. Сійо кадеяныс поэтлон петис ещө вит сборник: «Миян войвыв» (1948), «Ме славита мир» (1951), «Утро на Вычегде» (1952), «Дружба йылысь стихьяс» (1955) да «Северные звёзды» (1958).

Яков Митрофанович Рочев. Чужис 1909 воё Усть-Ухта сиктса шöркодя олысь крестьянин семьяын. Мохчаса мөд ступеня школа помалом бöрын сійо 1933 воодз уджалис учительон, районса инспекторон да «Гöрд Печора» газетаын секретарон. Коми педагогической институт помалом бöрын Я. Рочев мыйкө дыра уджалис учительон, а сзеса 15 во чöж вöли Коми книжной издательствоса редакторон. Оні сійо «Войвыв кодзув» журналын редактор. Гижны заводитис Мохчаын велодчигон, 1942 восянь СССР писательяс союза член.

Я. Рочевлөн «Великӱй Сталин, водзӱ ну!» поэтическӱй сборник петис 1942 воӱ. Ӑни Я. Рочев тӱдса кыдзи прозаик. 1951 воын сийӱ помалис «Кык друг» романлысь первой книга, а 1958 воӱ — «Изьва гызьӱ», кодӱ лоӱ «Кык друг» романлӱн мӱд книгаӱн.

Степан Фӱдорович Тимушев. Чужис 1919 воӱ Помӱс-динскӱй районса Лебежнӱй сиктын. Ульяновскӱй сельско-хозяйственнӱй техникум помалӱм бӱрын сийӱ мыйкӱ дыра уджалис земельнӱй органъясын. Участвуйтис Великӱй Отечественнӱй война фронтъясывса бойясын. Война бӱрын С. Тимушев уджалӱ газет редакциясын, а 1956 воӱ помалӱ Коми педагогическӱй институт. С. Тимушевлӱн творческӱй уджыс заводитчис 1939 воӱ. Вель уна стихотворениеяс кындзи, сийӱ гижис «Зумыд кок йылӱ» повесть, уна уджалӱ кыдзи переводчик.

Георгий Иванович Торлопов. Чужис 1913 воӱ Сыктыв-динскӱй районса Паль сиктын. Айкинаса профессионально-техническӱй школа помалӱм бӱрын уджалис Ношульскӱй тракторнӱй базаын слесарь-трактористӱн. 1934 восянь уджалӱ комсомолын, «Коми комсомолец» да «Вӱр-лӱдзысь» газетаясын, а сӱсся Коми радиокомитетын да «Войвыв кодзув» журналын. Партийнӱй школа помалӱм бӱрын уджалӱ КПСС Коми обкомын. 1952 восянь писательяс союза член.

Николай Андриянович Фролов. Чужис 1903 воын Сыктывкарын. 1935 воын сийӱ помалис аспирантура Ломоносов нима Московскӱй государственнӱй университетбердса математика кузя научно-исследовательскӱй институтын. Сылы присвоитӱма физико-математическӱй наукаяс кузя кандидатлысь звание. Тайӱ кадсяньыс Н. Фролов уджалӱ математика кузя преподавательӱн Сыктывкарса да Горький карса педагогическӱй институтъясын,

а öні Московскöй энергетическöй институтын. Сöйн гижöма высшöй математика кузя кык учебник. 1940 восянь писательяс союзса член.

Н. Фролов 1941 воö лэдзис «Тувсов кадын» поэтической сборник.

Владимир Архипович Ширяев. Чужис 1926 воö Сторожевскöй районса Нёбдин сиктын. Школа помалöм бöрын уджалис колхозын, а сэсса 8 во служитис Военно-Морскöй флотын, участвуйтис Япониялы паныд бойясын. 1951 восянь уджалö Коми радиокomiteтын редакторöн. В. Ширяев гижны заводитис 1950 воö. Сылöн 1957 воын петис челядылы лыддьöм вылö кывбуръяслöн сборник «Асыв». Писатель выступайтö и кызди прозаик. Сийö гижис «Виль посёлöкын» повесть да вель уна рассказъяс. В. Ширяев 1957 восянь писательяс союзса член.


Фёдор Васильевич Щербаков. Чужис 1914 воö Железнодорожнöй районса Турья сиктын. Коми пединститутын кык во велöдчöм бöрын уджалис Коми республиканскöй музейын. Великöй Отечественнöй война фронтъяс вылысь воöм бöрын сийö уджалö районнöй газетаын, республиканскöй музейын, Коми издательствоын да радиокomiteтын. Öнi Ф. Щербаков уджалö «Коми колхозник» газета редакцияын. Литературнöй творчествоöн занимайтчö 1935 восянь. 1955 воын лэдзис поэтической сборник «Менам отчизна». Ф. Щербаков — СССР писательяс союзса член.

Василий Васильевич Юхнин. Чужис 1907 воö Прилузскöй районса Занулье сиктын. 1932 воöдз сийö уджалис бать овмöсын, вөр лэдзöм вылын. Подвузын велöдчöм бöрын помалис 1937 воö Коми педагогическöй институт. 1938 восянь 1948 воöдз В. Юхнин веськөдлö Коми писательскöй организацияöн. А бөръя кадö сийö творческой

удж вылын. Первой кывбур «Аскиа колхозниклы» вöли печатайтöма 1931 воö. Сэк жö писатель заводитö выступайтны кыдзи прозаик. 1938 воын печатайтö повесть «Динъельса вөрпункт», а 1941 воын помалö коми литератураын первой роман «Алöй лента». 1956 воын писатель помалö ыджыд роман «Тундраса бияс». В. Юхнинöс сöветскöй правительство наградитис «Знак Почёта» орденöн.

Геннадий Анатольевич Юшков. Чужис 1932 воö Сыктывдинскöй районса Час сиктын. Сыктывкарын среднöй школа помалöм бöрын сийö мыйкö дыра уджалис Коми радиокomiteтын редакторöн, а сэсся 1958 воö помалис М. Горький нима литературнöй институт Москваын. Öнi уджалö радиокomiteтын жö. Гижны заводитис среднöй школаын велöдчигöн на. Кывбуръяс кындзи, Г. Юшков гижис пьесаяс «Кöнкö тундраын» да «Сизимöд председатель».

26135



ОГЛАВЛЕНИЕ

<i>И. Куратов.</i> Пемыд	5
<i>В. Савин.</i> Коми море	6
<i>В. Чисталёв.</i> Дорччысьяс	8
<i>М. Лебедев.</i> Мед дзирдалас шонді . . .	10
<i>А. Размыслов.</i> Менам шудлун	12
<i>В. Елькин.</i> Шуда му	15
<i>В. Латкин.</i> Тундраса мойд (поэмаысь отрывок)	18
<i>А. Габов.</i> Бордъя лунъяс	23
<i>И. Вавилин.</i> Менам парма	28
<i>А. Ванеев.</i> Кык салдат	29
<i>В. Власов.</i> Збыльмө век эскöмыс йöзлөн	31
<i>Д. Конюхов.</i> Чужан му	34
<i>В. Кривошеин.</i> Ленинскöй туйöд	36
<i>В. Лыткин.</i> Мунöны (поэмаысь отрывок)	39
<i>С. Морозов.</i> Депутатлөн мөвпъяс (поэ- маысь отрывок)	42
<i>Б. Палкин.</i> Ас йылысь мый ме висътала	44
<i>В. Попов.</i> Медыджыд озырлуныс менам	46
<i>С. Попов.</i> Сталинградскöй баллада . . .	48
<i>Я. Рочев.</i> Выль карын асыв	54
<i>С. Тимушев.</i> Сійö видзöдö Эльбалань . .	56
<i>Г. Торлопов.</i> Тайö — Рöдина менам . . .	59
<i>Н. Фролов.</i> Домна (поэмаысь отрывок)	61
<i>В. Ширяев.</i> Дозорын	64
<i>Ф. Щербаков.</i> Менам отчизна	65
<i>В. Юхнин.</i> Ми ставөн коркö...	67
<i>Г. Юшков.</i> Роч народлы	68
Дженъыдик биографическöй справкаяс	69

7

Г ш. 95 к.

2